

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-2441/24
Sarajevo, 30.1.2025. godine

Z A P I S N I K
15. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 30.1.2025. godine

Sjednica je počela sa radom u 12 sati i 56 minuta.

Sjednici je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegatkinje i delegate, predsjednicu Federacije Lidiju Bradaru i ministre u Vladi Federacije Bosne i Hercegovine.

Izostanak sa sjednice najavili su: Vesna Saradžić, Zora Dujmović, Duško Radun, Mladen Šarić i Damir Marjanović.

Prema evidenciji Stručne službe, sjednici prisustvuju 53 delegata, što čini većinu, pa Dom naroda može raditi i punovažno odlučivati.

Predsjedavajući je predložio da se prije prelaska na rad glasa o usvajanju zapisnika 13. i 14. sjednice Doma naroda Parlamenta Federacije Bosne i Hercegovine.

Sa 50 glasova za, bez uzdržanih glasova i bez glasova protiv, usvojen je Zapisnik 13. sjednice Doma naroda Parlamenta Federacije Bosne i Hercegovine.

Sa 55 glasova za, bez uzdržanih glasova i bez glasova protiv, usvojio je Zapisnik 14. sjednice Doma naroda Parlamenta Federacije Bosne i Hercegovine.

Predsjedavajući je prije utvrđivanja dnevnog reda saopštio delegatima da, na osnovu člana 104. Poslovnika o radu Doma naroda, mogu postavljati delegatska pitanja i pokretati inicijative.

Sanela Klarić je uputila tri inicijative i postavila jedno pitanje.

Prvu inicijativu je uputila Federalnom ministarstvu obrazovanja i nauke u vezi sa vraćanjem profesionalnog zanimanja vatrogasac u obrazovni sistem.

Drugu inicijativu uputila je Federalnom ministarstvu pravde vezano uz Nacrt zakona o izmjenama i dopunama Zakona o zaštiti od požara i vatrogastvu u Federaciji Bosne i Hercegovine.

Treću inicijativu uputila je Federalnom ministarstvu prometa i komunikacija, Javnom preduzeću Ceste Federacije Bosne i Hercegovine i Ministarstvu saobraćaja i veza Hercegovačko-neretvanskog kantona u vezi sa nadzorom na pokretnim inženjersko-geološkim procesima u kanjonu Neretve uz putne komunikacije M17 Sarajevo – Mostar.

Pitanje je postavila Federalnom ministarstvu prometa i komunikacija i Vladi Federacije Bosne i Hercegovine u vezi sa sigurnosnim provjerama IT sistema u institucijama Federacije Bosne i Hercegovine i planovima za unapređenje zaštite podataka u institucijama Federacije Bosne i Hercegovine i o Zakonu o kiber sigurnosti u Federaciji Bosne i Hercegovine.

Almir Babajić je uputio inicijativu za prolongiranje primjene Zakona o kontroli i ograničenoj upotrebi duhana, duhanskih proizvoda i ostalih proizvoda i izmjenu Pravilnika o uvjetima za posebne prostorije za konzumiranje duhana, duhanskih proizvoda i ostalih proizvoda.

Fatima Gavrankapetanović-Smailbegović postavila je pitanje federalnom ministru zdravstva i Vladi Federacije Bosne i Hercegovine, vezano uz realizaciju inicijative federalnog ministra zdravstva Nediljka Rimca od 27.11.2024. godine da se više od devet miliona KM za neisporučena cijepliva protiv COVID-19 preusmjere za liječenje teško oboljelih pacijenata.

Emir Dautović je postavio tri pitanja.

Prvo pitanje postavio je Federalnom ministarstvu trgovine vezano uz analizu učinka rada nedjeljom.

Drugo pitanje postavio je Javnom preduzeću Ceste Federacije Bosne i Hercegovine u vezi sa održavanjem ceste pod ingerencijom Federacije Bosne i Hercegovine.

Treće pitanje postavio je ministru policije u vezi sa podrškom koju Milorad Dodik ima kad dolazi na suđenje.

Jelena Pekić uputila je inicijativu prema Vladi Federacije Bosne i Hercegovine i Federalnom ministarstvu finansija u vezi sa subvecioniranjem dijela doprinosa za nevladine organizacije, humanitarne organizacije i javne kuhinje.

Sandra Imširović postavila je dva pitanja.

Prvo pitanje postavila je Federalnom ministarstvu pravde vezano uz formu za bračni ugovor i formu za ugovor o nasljeđivanju.

Drugo pitanje postavila je ministru pravde a odnosi se na broj zaposlenika Federalnog ministarstva pravde koji su položili pravosudni ispit.

Miomirka Melank uputila je inicijativu kojom traži uspostavu dodatne željezničke linije u međunarodnom putničkom saobraćaju.

Vedrana Vujović je uputila delegatsko pitanje predsjedavajućem Doma naroda i Vladi Federacije Bosne i Hercegovine, a odnosi se na otvaranje javne rasprave o Nacrtu Zakona o fiskalizaciji transakcija u Federaciji Bosne i Hercegovine.

Ivica Pavković delegatsko pitanje uputio je Vladi Federacije Bosne i Hercegovine, a tiče se rekonstrukcije magistralne ceste M17-5 na potezu Jablanica – Blidinje.

Boris Mrnjavac je postavio dva delegatska pitanja Federalnom ministru zdravstva Nediljku Rimcu.

Prvo pitanje je vezano uz fazu izmjena čl. 35. i 37. Zakona o stomatološkoj djelatnosti.

Drugo pitanje je vezano uz poduzimanje aktivnosti za priznavanje koeficijenta visoke stručne spreme medicinskim sestrama i tehničarima na nivou Federacije Bosne i Hercegovine definiran zakonskim propisima a radi ostvarivanja prava zagwarantiranih kolektivnim ugovorom o pravima i obavezama poslodavaca i radnika u oblasti zdravstva na području Federacije Bosne i Hercegovine.

Haris Zahiragić je delegatsko pitanje uputio rukovodstvu Doma naroda Parlamenta Federacije Bosne i Hercegovine u vezi sa imenovanjem sekretara ovog doma.

Damir Šišić je uputio inicijativu prema Vladi Federacije Bosne i Hercegovine i Federalnom ministarstvu za pitanja boraca i invalida odbrambeno-oslobodilačkog rata Federacije Bosne i Hercegovine za izmjenu i dopunu člana 4. stav (3) Zakona o izmjenama i dopunama Zakona o prijevremenom povoljnijem penzionisanju branilaca odbrambeno-oslobodilačkog rata.

Muamer Zukić postavio je pitanje rukovodstvu Doma naroda Parlamenta Federacije Bosne i Hercegovine i pita za dostavljanje informacija o prisustvu delegata sjednicama Doma naroda.

U raspravi koja je uslijedila učestvovali su Tomislav Martinović i Haris Zahiragić.

Vlada Federacije Bosne i Hercegovine povukla je iz procedure Prijedlog Zakona o dopuni Zakona o porezu na dohodak dok su Prijedlog Zakona o jedinstvenim principima u okviru materijalne podrške licima sa invaliditetom u Federaciji Bosne i Hercegovine i Nacrt Zakona o fiskalizaciji transakcija u Federaciji Bosne i Hercegovine uvršteni u dnevni red 6. vanredne sjednice.

Predsjednica Odbora za ekonomsku i razvojnu politiku, finansije i budžet Doma naroda Parlamenta Federacije Bosne i Hercegovine delegatkinja Amra Babić obrazložila je Zaključak Odbora.

Vlada Federacije Bosne i Hercegovine dostavila je Prijedlog Zakona o izmjenama i dopuni Zakona o slatkovodnom ribarstvu sa prijedlogom da se razmatra po skraćenom postupku.

Sa 53 glasa za, uz 10 uzdržanih glasova i bez glasova protiv, Dom naroda je prihvatio da se Prijedlog Zakona o izmjenama i dopuni Zakona o slatkovodnom ribarstvu razmatra po skraćenom postupku.

Sa 45 glasova za, uz 16 uzdržanih glasova i bez glasova protiv, Dom naroda je prihvatio da se Zaključak Odbora za ekonomsku i razvojnu politiku, finansije i budžet Doma naroda Parlamenta Federacije Bosne i Hercegovine uvrsti u dnevni red.

Prešlo se na utvrđivanje dnevnog reda.

Sa 41 glasom za, uz 14 uzdržanih glasova i uz šest glasova protiv, usvojen je sljedeći:

DNEVNI RED

1. Prijedlog Zakona o izmjenama i dopuni Zakona o slatkovodnom ribarstvu – skraćeni postupak;
2. Prijedlog Zakona o izmjenama i dopunama Zakona o zaštiti prirode;
3. Nacrt Zakona o posredovanju u zapošljavanju i socijalnoj sigurnosti nezaposlenih lica;
4. Nacrt Zakona o društvenom poduzetništvu u Federaciji Bosne i Hercegovine;
5. Nacrt Zakona o zaštiti prijavljivača nepravilnosti u Federaciji Bosne i Hercegovine;
6. Nacrt Zakona o javno-privatnom partnerstvu Federacije Bosne i Hercegovine;
7. Nacrt Zakona o izmjenama i dopunama Zakona o zapošljavanju stranaca;
8. Nacrt Zakona o doživotnoj mjesečnoj naknadi zaslužnim sportistima u Federaciji Bosne i Hercegovine (predlagač: Silva Banović, delegatkinja u Domu naroda Parlamenta Federacije Bosne i Hercegovine);
9. Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj za realizaciju Projekta geoprostorne infrastrukture i procjene vrijednosti nekretnina;
10. Prijedlog Odluke o odobravanju Odluke o izdavanju garancije Federacije Bosne i Hercegovine u korist UniCredit Bank d.d. Mostar, Intesa San Paolo banka d.d. Bosna i Hercegovina, Union banka d.d. Sarajevo, Bosna Bank International d.d. Sarajevo, Sparkasse Bank d.d. Bosna i Hercegovina, NLB banka d.d. Sarajevo i Privredna banka Sarajevo d.d. Sarajevo za kreditno zaduženje Javnog preduzeća „Autoceste Federacije Bosne i Hercegovine“ d.o.o. Mostar za izgradnju dijela autoceste Koridora Vc, dionica Mostar Sjever – Mostar Jug;
11. Zaključci i preporuke Komisije za jednakopravnost spolova i Komisije za ljudska prava i slobode Doma naroda Parlamenta Federacije Bosne i Hercegovine;
12. Zaključak Odbora za ekonomsku i razvojnu politiku, finansije i budžet Doma naroda Parlamenta Federacije Bosne i Hercegovine;
13. Kvartalni izvještaj o dugu Q1/2024.

1. Prijedlog Zakona o izmjenama i dopuni Zakona o slatkovodnom ribarstvu – skraćeni postupak

Tekst Prijedloga Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 14. sjednici, održanoj 22. i 23.10.2024. godine, usvojio Prijedlog Zakona o izmjenama i dopuni Zakona o slatkovodnom ribarstvu sa amandmanom koji je Vlada Federacije Bosne i Hercegovine prihvatila pa je postao sastavni dio Prijedloga Zakona.

Prijedlog Zakona razmatrala su nadležna radna tijela.

Prijedlog Zakona obrazložio je Bešćo Alibegović, pomoćnik ministra Federalnog ministarstva poljoprivrede, vodoprivrede i šumarstva.

U raspravi niko nije učestvovao.

Sa 52 glasa za, bez uzdržanih glasova i bez glasova protiv, Dom naroda je usvojio Prijedlog Zakona o izmjenama i dopuni Zakona o slatkovodnom ribarstvu.

2. Prijedlog Zakona o izmjenama i dopunama Zakona o zaštiti prirode

Tekst Prijedloga Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 14. sjednici, održanoj 22. i 23.10.2024. godine, usvojio Prijedlog Zakona o izmjenama i dopunama Zakona o zaštiti prirode sa 13 amandmana koje je Vlada Federacije Bosne i Hercegovine prihvatila pa su postali sastavni dio Prijedloga Zakona.

Prijedlog Zakona obrazložila je Nasiha Pozder, ministrica Federalnog ministarstva okoliša i turizma.

U raspravi su učestvovali Vedrana Vujović i Nasiha Pozder.

Sa 53 glasa za, uz tri uzdržana glasa i bez glasova protiv, usvojen je Prijedlog Zakona o izmjenama i dopunama Zakona o zaštiti prirode.

3. Nacrt Zakona o posredovanju u zapošljavanju i socijalnoj sigurnosti nezaposlenih lica

Tekst Nacrta Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 14. sjednici, održanoj 22. i 23.10.2024. godine, razmatrao Nacrt Zakona o posredovanju u zapošljavanju i socijalnoj sigurnosti nezaposlenih lica i Zaključkom ga prihvatio.

Tekst Nacrta Zakona razmatrala su nadležna radna tijela.

Nacrt Zakona obrazložio je Vedran Škobić, ministar Federalnog ministarstva pravde.

U raspravi su učestvovali Vedrana Vujović, Jelena Pekić i Fahrudin Čolaković.

Sa 49 glasova za, uz 13 uzdržanih glasova i bez glasova protiv, Dom naroda je prihvatio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o posredovanju u zapošljavanju i socijalnoj sigurnosti nezaposlenih lica i smatra da može poslužiti kao dobra osnova za izradu prijedloga Zakona.
2. Zadužuje se predlagač da organizira i provede javnu raspravu od 60 dana.
3. Zadužuje se Stručna služba Doma naroda Parlamenta Federacije Bosne i Hercegovine da ovaj zaključak i Nacrt Zakona o posredovanju u zapošljavanju i socijalnoj sigurnosti nezaposlenih lica dostavi kantonalnim skupštinama radi davanja mišljenja u roku 30 dana.
4. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u javnoj raspravi i raspravi na sjednici Doma naroda, te mišljenja kantonalnih skupština, kao i ona koja su dostavljena ili će biti dostavljena u pisanoj formi.

4. Nacrt Zakona o društvenom poduzetništvu u Federaciji Bosne i Hercegovine

Tekst Nacrta Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 14. sjednici, održanoj 22. i 23.10.2024. godine, razmatrao Nacrt Zakona o društvenom poduzetništvu u Federaciji Bosne i Hercegovine i Zaključkom ga prihvatio.

Tekst Nacrta Zakona razmatrala su nadležna radna tijela.

Nacrt Zakona obrazložio je Vojin Mijatović, ministar Federalnog ministarstva razvoja, poduzetništva i obrta.

U raspravi su učestvovali: Sanela Klarić, Oliver Soldo, Jelena Pekić, Anto Bilić i Vojin Mijatović.

Sa 46 glasova za, uz 12 uzdržanih glasova i bez glasova protiv, Dom naroda je prihvatio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o društvenom poduzetništvu u Federaciji Bosne i Hercegovine i smatra da može poslužiti kao dobra osnova za izradu prijedloga Zakona.
2. Zadužuje se predlagač da organizira i provede javnu raspravu od 60 dana.
3. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u javnoj raspravi i raspravi na sjednici Doma naroda, te

mišljenja kantonalnih skupština, kao i ona koja su dostavljena ili će biti dostavljena u pisanoj formi.

5. Nacrt Zakona o zaštiti prijavljivača nepravilnosti u Federaciji Bosne i Hercegovine

Tekst Nacrta Zakona je utvrdila Vlada Federacije Bosne i Hercegovine.

Predstavnički dom obavijestio je Dom naroda da je na 14. sjednici, održanoj 22. i 23.10.2024. godine, razmatrao Nacrt Zakona o zaštiti prijavljivača nepravilnosti u Federaciji Bosne i Hercegovine i Zaključkom ga prihvatio.

Nacrt Zakona obrazložio je Adnan Delić, ministar Federalnog ministarstva rada i socijalne politike.

U raspravi niko nije učestvovao.

Sa 48 glasova za, uz sedam uzdržanih glasova i bez glasova protiv, Dom naroda je prihvatio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o zaštiti prijavljivača nepravilnosti u Federaciji Bosne i Hercegovine i smatra da može poslužiti kao dobra osnova za izradu prijedloga Zakona.
2. Zadužuje se predlagač da organizira i provede javnu raspravu od 90 dana.
3. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u javnoj raspravi i raspravi na sjednici Doma naroda, te mišljenja kantonalnih skupština, kao i ona koja su dostavljena ili će biti dostavljena u pisanoj formi.

6. Nacrt Zakona o javno-privatnom partnerstvu Federacije Bosne i Hercegovine

Tekst Nacrta Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 14. sjednici, održanoj 22. i 23.10.2024. godine, razmatrao Nacrt Zakona o javno-privatnom partnerstvu Federacije Bosne i Hercegovine i Zaključkom ga prihvatio.

Nacrt Zakona obrazložio je Vedran Lakić, ministar Federalnog ministarstva energije, rudarstva i industrije.

U raspravi je učestvovala Vedrana Vujović.

Sa 54 glasa za, uz tri uzdržana glasa i bez glasova protiv, Dom naroda je prihvatio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o javno-privatnom partnerstvu Federacije Bosne i Hercegovine i smatra da može poslužiti kao dobar osnov za izradu prijedloga Zakona.
2. Zadužuje se predlagač da organizira i provede javnu raspravu od 60 dana.
3. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u javnoj raspravi i raspravi na sjednici Doma naroda, te mišljenja kantonalnih skupština, kao i ona koja su dostavljena ili će biti dostavljena u pisanoj formi.

7. Nacrt Zakona o izmjenama i dopunama Zakona o zapošljavanju stranaca

Tekst Nacrta Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 14. sjednici, održanoj 22.10 i 23.10.2024. godine, razmatrao Nacrt Zakona o izmjenama i dopunama Zakona o zapošljavanju stranaca i Zaključkom ga prihvatio.

Tekst Nacrta Zakona razmatrala su nadležna radna tijela.

Nacrt Zakona obrazložio je Adnan Delić, ministar Federalnog ministarstva rada i socijalne politike.

U raspravi su učestvovali Emir Dautović i Vedrana Vujović.

Sa 49 glasova za, uz sedam uzdržanih glasova i bez glasova protiv, Dom naroda je prihvatio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o zapošljavanju stranaca i smatra da može poslužiti kao dobra osnova za izradu prijedloga Zakona.
2. Zadužuje se Vlada Federacije Bosne i Hercegovine da o Nacrtu Zakona organizira i provede javnu raspravu od 60 dana u skladu sa procedurama predviđenim Ustavom Federacije Bosne i Hercegovine za donošenje zakona iz zajedničke nadležnosti federalne vlasti i kantona.
3. Zadužuje se Stručna služba Doma naroda Parlamenta Federacije Bosne i Hercegovine da ovaj zaključak i Nacrt Zakona o izmjenama i dopunama Zakona o zapošljavanju stranaca dostavi kantonalnim skupštinama radi davanja mišljenja u roku 30 dana.
4. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u raspravi na sjednici Doma naroda i javnoj raspravi, te mišljenja kantonalnih skupština, kao i ona koja su dostavljena ili će biti dostavljena u pisanoj formi.

Nakon pauze, predsjedavajući je konstatovao da je Vlada Federacije Bosne i Hercegovine dostavila Parlamentu Federacije Bosne i Hercegovine dopis da iz procedure povlači Prijedlog

Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj za realizaciju Projekta geoprostorne infrastrukture i procjene vrijednosti nekretnina i Prijedlog Odluke o odobravanju Odluke o izdavanju garancije Federacije Bosne i Hercegovine u korist UniCredit Bank d.d. Mostar, Intesa San Paolo banka d.d. Bosna i Hercegovina, Union banka d.d. Sarajevo, Bosna Bank International d.d. Sarajevo, Sparkasse Bank d.d. Bosna i Hercegovina, NLB banka d.d. Sarajevo i Privredna banka Sarajevo d.d. Sarajevo za kreditno zaduženje Javnog preduzeća „Autoceste Federacije Bosne i Hercegovine“ d.o.o. Mostar za izgradnju dijela autoceste Koridora Vc, dionica Mostar Sjever – Mostar Jug.

8. Nacrt Zakona o doživotnoj mjesečnoj naknadi zaslužnim sportistima u Federaciji Bosne i Hercegovine

Nacrt Zakona predložila je Silva Banović, delegatkinja u Domu naroda Parlamenta Federacije BiH.

Predstavnički dom Parlamenta Federacije Bosne i Hercegovine obavjestio je Dom naroda Parlamenta Federacije da je na 33. sjednici, održanoj 6.6.2022. godine, razmatrao Nacrt zakona o doživotnoj mjesečnoj naknadi zaslužnim sportistima u Federaciji Bosne i Hercegovine u tekstu predlagača Suada Kaknje i Adise Kokić-Hinović, zastupnika u Predstavničkom domu i Zaključkom ga prihvatio.

Tekst Zakona je istovjetan Nacrtu Zakona koji je predložila delegatkinja Silva Banović, te je upućen u javnu raspravu.

Tekst Nacrta Zakona razmatrala su i nadležna tijela.

Nacrt Zakona obrazložila je Silva Banović, delegatkinja u Domu naroda Parlamenta Federacije BiH.

Emir Dautović je, u ime Odbora za obrazovanje, nauku, kulturu, sport i pitanja mladih, obrazložio izvještaj.

U raspravi su učestvovali Enes Peštek, Tomislav Martinović, Sandra Imširović, Emir Dautović, Žarko Vujović, Damir Džeba, Marina Mujkanović i Haris Zahiragić.

Sa 51 glasom za, uz pet uzdržanih glasova i uz jedan glas protiv, Dom naroda je prihvatio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o doživotnoj mjesečnoj naknadi zaslužnim sportistima u Federaciji Bosne i Hercegovine i smatra da može poslužiti kao dobar osnov za izradu prijedloga Zakona.
2. Zadužuje se predlagačica da organizira i provede javnu raspravu od 90 dana.
3. Zadužuje se Stručna služba Doma naroda Parlamenta Federacije Bosne i Hercegovine da ovaj zaključak i Nacrt Zakona dostavi kantonalnim skupštinama radi davanja mišljenja u roku 30 dana.
4. Zadužuje se predlagačica da prilikom izrade prijedloga Zakona ima u vidu primjedbe, prijedloge i sugestije iznesene u raspravi na sjednici Doma naroda i javnoj raspravi,

mišljenja kantonalnih skupština, kao i ona koja su dostavljena ili će biti dostavljena u pisanoj formi.

11. Zaključci i preporuke Komisije za jednakopravnost spolova i Komisije za ljudska prava i slobode Doma naroda Parlamenta Federacije Bosne i Hercegovine

Zaključke i preporuke sa druge zajedničke tematske sjednice dostavili su Komisija za jednakopravnost spolova oba doma Parlamenta Federacije Bosne i Hercegovine, Komisija za sigurnost Predstavničkog doma Parlamenta Federacije Bosne i Hercegovine i Komisija za ljudska prava i slobode Doma naroda Parlamenta Federacije Bosne i Hercegovine.

Zaključke su razmatrala nadležna radna tijela.

Zaključke i preporuke sa zajedničke tematske sjednice obrazložila je Aida Obuća, predsjednica Komisije za jednakopravnost spolova.

U raspravi su učestvovali: Haris Zahiragić, Tomislav Martinović, Aida Obuća i Miomirka Melank.

Sa 49 glasova za, bez uzdržanih glasova i uz jedan glas protiv, Dom naroda je prihvatio sljedeći:

ZAKLJUČAK

- 1. Usaglašavanje pravnog okvira sa Konvencijom Vijeća Evrope o sprječavanju i borbi protiv nasilja nad ženama i nasilja u porodici potpisane u Istanbulu 11.5.2011. godine i preporukama GREVIO/Država članica**
 - Dom naroda Parlamenta Federacije Bosne i Hercegovine treba osigurati usklađenu i standardiziranu zaštitu od nasilja u porodici u cijeloj Federaciji Bosne i Hercegovine usvajanjem zakonodavnog okvira koji osigurava pravovremen i efikasan odgovor na slučajeve nasilja.
 - Dom naroda Parlamenta Federacije Bosne i Hercegovine i kantonalna zakonodavna tijela trebaju osigurati pravilnu implementaciju Zakona o zaštiti od nasilja u porodici putem adekvatne alokacije sredstava i resursa, kao i kroz kontinuirani zakonodavni nadzor.
 - Dom naroda Parlamenta Federacije Bosne i Hercegovine poziva Vladu Federacije Bosne i Hercegovine da podrži Gender centar i Federalno ministarstvo pravde u razvoju institucionalnih mehanizama za relevantnu analizu prikupljanja podataka i redovito izvještavanje o implementaciji Zakona. Ovo treba uključiti prezentaciju nalaza Parlamentu Federacije Bosne i Hercegovine i javnosti u okviru Godišnjeg izvještaja o implementaciji Strategije za prevenciju i borbu protiv nasilja u porodici 2024. – 2027. godina, koji uključuje i analizu podataka nadležnih institucija koje

imaju obavezu prikupljanja i dostavljanja podataka, kao i u okviru izvještaja o implementaciji Zakona o zaštiti od nasilja u porodici.

- Poziva se Visoko sudsko i tužilačko vijeće Bosne i Hercegovine da razmotri provođenje sveobuhvatne analize trenutne kaznene politike i predloži mjere kako bi se osiguralo da kazne i mjere izrečene za nasilje u porodici budu učinkovite, srazmjerne i odvrćuće, te da žrtve dobiju najviši nivo zaštite i pristup pravdi. Podaci i analize trebaju biti javno dostupni i razumljivi široj javnosti.

2. **Osiguravanje učinkovite i standardizirane primjene Zakona o zaštiti od nasilja u porodici u Federaciji Bosne i Hercegovine (zakona) i relevantnih dijelova Krivičnog zakona**

- Pozivaju se Vlada Federacije Bosne i Hercegovine i vlade kantona da osiguraju pravilnu alokaciju resursa za standardizirane obuke policije i pravosuđa:
 - o praktičnim metodologijama za implementaciju Zakona posebno u oblastima primjene zaštitnih mjera, identifikacije pokazatelja i različitih vrsta nasilja u porodici, te pružanju odgovarajuće podrške žrtvama uz osiguranje najvišeg nivoa sigurnosti za žrtve nasilja;
 - o istražnim tehnikama i alatima za jačanje kvaliteta prikupljanja dokaza i izbjegavanje prevelike zavisnosti od svjedočenja žrtava;
 - o pristupima usmjerenim na žrtve i psihologiju nasilja kako bi se osigurao senzibiliziran pristup žrtvama i efikasnije procesuiranje uz saradnju svjedoka.
- Pozivaju se kantonalne vlade da osiguraju sredstava za podršku radu kantonalnih koordinacijskih tijela za prevenciju i borbu protiv nasilja u porodici, osiguraju donošenje i implementaciju Programa mjera za prevenciju i borbu protiv nasilja u porodici prema članu 37. Zakona o zaštiti od nasilja u porodici.
- Pozivaju se Vlada Federacije Bosne i Hercegovine i vlade kantona da osiguraju da žrtve nasilja u porodici imaju pristup psihološkoj i pravnoj podršci tokom postupka (kao što je pristup psihologu u policiji, tužiteljstvu, sudu ili licu od povjerenja) kako bi se žrtve informirale o njihovim pravima i pravnim postupcima, te kako bi se smanjio stres i ponovno traumatiziranje.

3. **Poboljšanje međuinstitucionalne saradnje**

- Poziva se Visoko sudsko i tužilačko vijeće Bosne i Hercegovine da razmotri organizaciju serije okruglih stolova za praktičare kako bi se osigurala bolja koordinacija policije, tužitelja i sudaca s ciljem usklađivanja i poboljšanja odgovora pravosudnog sistema na slučajeve nasilja u porodici.
- Pozivaju se kantonalne vlade da osiguraju sredstva i usvoje mjere za koordinaciju policije, pravosuđa, socijalnih službi i nevladinih organizacija u pružanju sveobuhvatne podrške žrtvama, uključujući praćenje i evaluaciju implementacije zakona od svih aktera.
- Pozivaju se institucije koje pružaju direktne odgovore na prijave nasilja u porodici da razviju i implementiraju multisektorske protokole o odgovoru na slučajeve nasilja u porodici uključujući mjere za povećanje odgovornosti svih uključenih aktera u skladu sa članom 39. Zakona o zaštiti od nasilja u porodici.

12. Zaključak Odbora za ekonomsku i razvojnu politiku, finansije i budžet Doma naroda Parlamenta Federacije Bosne i Hercegovine

Zaključak Odbora za ekonomsku i razvojnu politiku, finansije i budžet Doma naroda Parlamenta Federacije Bosne i Hercegovine obrazložila je Amra Babić, predsjednica Odbora.

U raspravi su učestvovali: Tomislav Martinović, Amra Babić, Oliver Soldo i Haris Zahiragić.

Sa 47 glasova za, bez uzdržanih glasova i uz dva glasa protiv, Dom naroda je prihvatio sljedeći:

ZAKLJUČAK

Dom naroda Parlamenta Federacije Bosne i Hercegovine zadužuje Vladu Federacije Bosne i Hercegovine da uputi u parlamentarnu proceduru izvještaj o radu javnih preduzeća i ustanova u kojima Vlada Federacije Bosne i Hercegovine ima udio u vlasništvu.

13. Kvartalni izvještaj o dugu Q1/2024

Vlada Federacije Bosne i Hercegovine dostavila je kvartalni izvještaj o dugu Q1/2024.

Predstavnički dom je obavijestio Dom naroda da je na 14. sjednici, održanoj 22. i 23.10.2024. godine, primio na znanje kvartalni izvještaj o dugu Q1/2024.

Izvještaj su razmatrala i nadležna radna tijela ovog doma.

Predsjedavajući je konstatovao da je Dom naroda Parlamenta Federacije Bosne i Hercegovine primio na znanje kvartalni izvještaj o dugu Q1/2024.

Sjednica je završila sa radom u 16 sati i 38 minuta.

Transkript sjednice čini sastavni dio Zapisnika.

DRŽAVNA SLUŽBENICA KOJA OBAVLJA
POSLOVE IZ NADLEŽNOSTI SEKRETARA
DOMA NARODA

Aida Hadžić-Salkić

PREDSJEDAVALA
Tomislav Martinović